



Bosnia and Herzegovina
Federation of Bosnia and Herzegovina

CANTON SARAJEVO
Ministry of Culture and Sports

Broj 12/01-04-38989-54/21
Sarajevo, 23.11.2021. godine

VLADA KANTONA

n/r Šabaredžović-Klačar Mersiha
Sekretar Vlade

(Ovdje)

SKUPŠTINA KANTONA SARAJEVO

PREDSJEDAVALAČI SKUPŠTINE

(Ovdje)

Zastupnica Amra Hasagić na nastavku 43. Radne sjednice Skupštine Kantona Sarajevo, održane dana 03.11.2021. godine, u okviru tačke Dnevnog reda „Poslanička/zastupnička pitanja, inicijative i odgovori“, postavila je zastupničko pitanje Vladi Kantona Sarajevo, koje glasi:

“U kojoj su fazi realizacije usvojeni zaključci od Skupštine Kantona Sarajevo od početka ovog mandata do danas?”

Prilog: Zastupničko pitanje zastupnice Amre Hasagić

Odgovor na zastupničko pitanje glasi:

Ministarstvo kulture i sporta Kantona Sarajevo na web stranici Skupština Kantona Sarajevo ima evidentirano šest (6) Zaključaka Skupštine Kantona Sarajevo kao "neriješeno", iako je u vezi većine tih zaključaka ministar kulture i sporta usmeno na sjednici dao odgovor ili neposredno podnosiocu odgovorio, i to:

1. Bibija Kerla (08.07.2021) ZAKLJUČAK Prihvata se Inicijativa koja se upućuje Ministarstvu sporta i kulture o nagrađivanju naše ženske košarkaške reprezentacije Bosne i Hercegovine.

Ministarstvo kulture i sporta Kantona Sarajevo je pitanje nagrađivanja sportista uredilo Pravilnikom te bi svako postupanje mimo kriterija uređenih Pravilnikom bilo ocjenjeno kao nezakonito.

2. Zaključak Damir Nikšić (27.04.2021) Prihvata se inicijativa zastupnika Damira Nikšića o donošenju Odluke o formiranju Muzeja Holokausta u Sarajevu.



Inicijativa gosp. Damira Nikšića je ocjenjena vrlo značajnom, s tim da je potrebno ispuniti sve uslove za predlaganje osnivanja Javne ili privatne muzejske ustanove, t.j. da predlagači pripreme Elaborat koji sadrži osnovne podatke o objektu, opremi, kadrovima, postavci finansijskim sredstvima.

3. Zaključak E. Vreto 03.11.20 vreto-031120) Zadužuju se Vlada Kantona Sarajevo i Ministarstvo kulture i sporta da shodno planiranim budžetskim sredstvima za rekonstrukciju i obnovu Stare željezničke stanice na Ilidži odmah uputi zvaničan zahtjev za dobivanje neophodne saglasnosti prema Vladi FBiH i nadležnom ministarstvu obzirom da je navedeni objekat proglašen nacionalnim spomenikom 2007. godine od strane FBiH.

Prije podnošenja zvaničnog zahtjeva neophodno je da Općina Ilidža riješi imovinske odnose vezano za objekat Stare željezničke stanice na Ilidži i pripremi Projekat rekonstrukcije sa predračunom radova.

4. Inicijativa Amel Mekić ZAKLJUČAK Prihvata se inicijativa za održavanje Tematske sjednice Skupštine Kantona Sarajevo o stanju u sportu najdalje za 60 dana.

Nosilac posla je Ministarstvo kulture i sporta Kantona Sarajevo, a rok za zakazivanje će odrediti Kolegij Skupštine Kantona Sarajevo, uz prethodne konsultacije sa Ministarstvom kulture i sporta Kantona Sarajevo.

5. Inicijativa KK BOSNA - Prihvata se inicijativa zastupnika Igora Stojanovića, za održavanje tematske sjednice koja će donijeti rješenje za KK "Bosna".

Nosilac posla je Ministarstvo kulture i sporta Kantona Sarajevo, a rok za zakazivanje će odrediti Kolegij Skupštine Kantona Sarajevo, uz prethodne konsultacije sa Ministarstvom kulture i sporta Kantona Sarajevo.

6. Zaključak sa sjednice - Zadužuju se svi Ministri u Vladi Kantona Sarajevo koji vrše nadzor nad poslovanjem javnih ustanova, agencija, direkcija, fondova i zavoda čiji je osnivač Kanton Sarajevo i Vlada Kantona Sarajevo, da pripreme i predlože Vladi i Skupštini Kantona Sarajevo izmjene zakona koji tretiraju ove oblasti i osnivačka akta navedenih organizacija u smislu preciziranja odredbi da izabrani i imenovani zvaničnici na bilo kojem nivou vlasti, istovremeno ne mogu obnašati upravljačke i rukovodne dužnosti u istim.

U Nacrtu Programu rada Skupštine kantona sarajevo za 2021. godinu planirano je don ošenje zakona o kulturi koji će sadržati i odredbu da izabrani i imenovani zvaničnici na bilo kojem nivou vlasti, istovremeno ne mogu obnašati upravljačke i rukovodne dužnosti u javnim ustanovama kulture.

Koordinator izrade odgovora
na skupštinska pitanja i inicijative
Dragan Vujmilović

MINISTAR

Samir Avdić



web: <http://mks.ks.gov.ba>
e-mail: mks@mks.ks.gov.ba
Tel/fax: + 387 (0) 33 562-062
Sarajevo, Reisa Džemaludina Čauševića 1

